



Գ Լ Ո Ւ Խ Գ

Վ Ի Մ Ա Կ Ա Ն Ա Ր Զ Ա Ն Ա Գ Ր Ո Ւ Թ Յ Ո Ւ Ն Ն Ե Ր Ը



անահնի վիճական արձանագրություններն առաջին անգամ ընդօրինակվել են վանքի «Քոթուկ» կոչվող մատյանի մեջ:

Դա վանքի պաշտոնեության կողմից տարբեր ժամանակներում գրված մի ձեռագիր մատյան է, որ ծառայել է գործնական նպատակների: Նրա մեջ ամփոփված են վանքի հիմնադրման, նրա ունեցած և ձեռք բերած կալվածքների և պատմության վերաբերող կարևոր համարված բազմաթիվ տեղեկություններ՝ քաղված հին հայ մատենագրությունից, վիճական արձանագրություններից, թագավորական և իշխանական հրովարտականերից, կալվածագրերից և այլն: Մատյանի վերջում կան բազմաթիվ մաքուր թղթեր՝ հետագայում գրելու համար: Այսպիսի Քոթուկներ ունեն այլ վանքեր ևս (Սաղմոսավանք, Լիմ, Կտուց անապատներ և այլն), որոնք նույնպես նյութեր են պարունակում իրենց վանքի պատմության և կալվածքների մասին: Այդ Քոթուկների հրատարակությունը կարող է շատ արժեքավոր նյութեր տալ պատմաբաններին, տնտեսագետներին և շատ ուրիշ մասնագետներին:

Սանահնի «Քոթուկը» բազմաթիվ այլ ձեռագրերի հետ վանքի միաբանները Աղա Մուհամեդ խանի արշավանքի ժամանակ թաղարած

են եղել վանքի մոտի քարայրներից մեկի մեջ:

Այդ մասին «Քոթուկի» 1 բ էջում Հովսեփ արքեպիսկոպոս (հետագայում կաթողիկոս) Արղուժյանը գրում է.

«Թիւն 1797 յամի տեառն և հայոց ՌՄԽԶ, յապրիլի 10, ես՝ Յովսէփ արքեպիսկոպոս Սանահնեցի, որդի Շիօշբէգին, Երկայնաբազուկ Արղուժեանց, յազգէ իշխանացն Զաքարիա Ամիրսպասալարին, ծայրագոյն նուիրակ սրբոյ աթոռոյն էջմիածնի, առաջնորդ Ռուսաց երկրի ամենայն հայոց ազգին և հիմնադիր Նոր-Նախիջևանու և Գրիգորիապօլսու: Մինչ ընդ հօր զօրացն եկի ի հայրենի երկիրն իմ ի Թիֆլիզ, յետ աւերութեան նորին, առաքեցի զսանահնեցի Մուրադենց Առաքել վարդապետն ի Սանահնի, վասն որոնելոյ գրեանց ի յայրս նորին բացեալ Աջառաց այրն: Ընդ բազում գրեանց և զանգակաց գտեալ էր և այս քնյրուկ գիրքս, որ ունի զօրինակըս ամենայն հարկաւոր թղթոցն նոյնոյ վանիցն: Հետեկելով նախնեացն շաւղաց և ես յայլ ուրեք գրելոց եմ ի սմա զոր նուիրեցի սոյն վանիցն»:

«Քոթուկի» մեջ ընդօրինակված են մեր ժողովածուի 12, 28, 29, 30, 186, 187 արձանագրությունները:

Մեր ունեցած տեղեկությունների համա-